



Broj:
Sarajevo, 03.04.2013. godine

MEDIJIMA

Predmet : Informacija za medije

MIKROKREDITNI SEKTOR FEDERACIJE BiH U 2012.GODINI

Smanjen broj jemaca koji otplaćuju kredite

Iz podataka sa krajem prošle godine vidljivo je da su nepovoljna ekonomska situacija u zemlji, sveopća prezaduženost klijenata, smanjenje poslovnih aktivnosti privrednih subjekata i drugi negativni faktori uvelike utjecali na poslovanje ovih isključivo kreditnih institucija.

U Federaciji BiH sa 31.12.2012. godine, poslovalo je 14 MKO, od toga 13 MKF i 1 MKD. Bilansna suma MKO u istom periodu iznosila je 499,7 miliona KM i manja je za 2,8 miliona KM ili 1% u odnosu na stanje sa 31.12.2011. godine. Ukupni bruto krediti MKO sa 31.12.2012. godine iznose 417,2 milion KM i čine 83% ukupne aktive MKO, dok neto krediti iznose 409,6 miliona KM. Krediti na bruto osnovi veći su za 1% u odnosu na stanje sa krajem 2011. godine. Osnovni izvor sredstava MKO su obaveze po uzetim kreditima koje na dan 31.12.2012. godine iznose 312,1 milion KM ili 62% ukupne pasive MKO i manje su za 6% u odnosu na isti period 2011.godine.

Pozitivno je što je prema izvještajima otplate kredita kod MKO u Federaciji BiH u prošloj godini, prepolovljen broj jemaca koji otplaćuju kredite. Sa 31.12.2012. godine, 4.018 jemaca otplatilo je 1,8 miliona KM od ukupno odobrenih kredita koji se otplaćuju putem ovog instrumenta osiguranja u iznosu od 24 miliona KM (3.689 kreditnih partija), što je za 53% manje jamaca koji otplaćuju kredite u poređenju sa istim periodom 2011.godine (7.805 kreditnih partija). U cilju bolje zaštite jemaca i vraćanja povjerenja u MKO, kao i reduciranja nezakonitosti u njihovom radu, Agencija će sukladno propisima, inzistirati na dobroj internoj proceduri i efikasnoj internoj reviziji u svrhu otklanjanja nedorečenosti u kreditnim odnosima i sprječavanja i onemogućavanja kriminalnih radnji.

Ukupni kapital MKO u prošloj godini iznosio je 163,5 miliona KM ili 33% ukupne pasive MKO i veći je za 9% u odnosu na kraj 2011 godine.

Što se tiče prihoda sa 31.12.2012. na nivou mikrokreditnog sektora u Federaciji BiH, ostvaren pozitivan finansijski rezultat u iznosu od 13.142 hiljada KM, što je za 19% više u odnosu na isti period prethodne godine.

URED FBA ZA INFORMIRANJE